

Aalajangiiffigisassatut siunnersuut Naalakkersuisut Qallunaat Nunaanni naalakkersuisunut isumaqatigiinniarnermik aallartitsissasut, nunatsinni ikiaroorartup atugaaneranut tuniniarneqartarneratalu akiorniarneqarneranut, Qallunaat nunaanni nunatsinnilu politiit suliniutinut annertusaanissamik suleqatigiinnissaat siunertaralugu.
(Inatsisartunut ilaasortaq Olga P. Berthelsen, Inuit Ataqtigiit)

Akissuteqaat

(Naalakkersuisut siulittaasuat)

Aappassaaneerneqarnera

Naalakkersuisut Inatsisunik atortitsinermut Ataatsimiititaliap sulilluarsimaneranik qujassuteqarfigaat. Ataatsimiititaliap kaammattuutai Naalakkersuisut tusaatissatut tiguaat, kajumissaarutigineqartullu eqqartuussiveqarnerup tungaatigut Naalakkersuisut Danskillu oqartussaasuisa attuumassuteqartut akornanni ingerlaavartumik oqallittarnernut ilanngunneqarumaarput. Tamatumunnga atatillugu nalunaarutigissavara eqqartuussiveqarnerup tungaatigut, Danskit oqartussaasuisa attuumassuteqartut Naalakkersuisullu akornanni suleqatigiinnermik oqalliffiusunik aalajangersimasunik siunissami qaninnerusumi aallartitsisoqarnissaanut suliniummik Naalakkersuisut aallartitsiniarmata, taakkununnga ilanngullugit Kalaallit Nunaanni politiit. Tassani soorunami pingaaruteqartussa q tassaaq Eqqartuussisarnermik inatsit aamma Pinerluttulerinermik inatsit nutaat atuutilernerisigut politiit sulinerannut qanoq sunniuteqassanersut. Tamatumunnga atatillugu politiit sulinerannut apequt aasaanerani sulianut Naalakkersuisut ilanngukkumaarpaat.

Inatsisunik atortitsinermut Ataatsimiititaliap sulilluarsimane qulaanilu allassimasut tunngavigalugit aalajangiiffigisassatut siunnersuutip aappassaaneerneqarnerani akuerineqarnissaa Naalakkersuisut isumaqatigaat.